

RESOLUCIÓN DE XERENCIA POLA QUE SE CONVOCAN CURSOS DE ESPAÑOL COMO LINGUA ESTRANXEIRA (ELE) DO CENTRO DE LINGUAS MODERNAS (CLM)

A Universidade de Santiago de Compostela convoca, para o ano académico **2025-2026**, **cursos de español como lingua estranxeira (ELE)** do Centro de Linguas Modernas nos campus de Santiago e Lugo, dirixidos especialmente ao alumnado e ao persoal docente e investigador que realiza estudos o estadaías na USC con vinculación aos distintos programas de cooperación e mobilidade internacional da Universidade, como servizo de apoio complementario á educación universitaria, e tamén abertos a calquera persoa interesada maior de 18 anos de conformidade coas seguintes

BASES

1 Cursos ofertados

No curso académico 2025-2026 impartiranse **cursos semestrais** e **cursos intensivos** de español como lingua estranxeira (ELE) nos campus Santiago e Lugo. Os detalles dos cursos poden verse no ANEXO final.

Niveis impartidos

A1, A2, B1, B2, C1, C2.

Modalidade dos cursos semestrais e intensivos

Cursos semestrais:

40 horas presenciais + 60 horas de traballo autónomo do alumnado. As clases teñen 90 minutos e impártense 2 veces por semana (luns e mércores ou martes e xoves), durante 4 meses.

Cursos intensivos:

40 horas presenciais + 60 horas de traballo autónomo do alumnado. As clases teñen 90 minutos e impártense 4 veces por semana (luns, martes, mércores, xoves), durante 2 meses.

2 Avaliación, recoñecemento e créditos ECTS

Cada curso convocado polo Centro de Linguas Modernas (CLM) terá unha única convocatoria de exame final.

A asistencia ao 80% das horas presenciais e mais a superación da avaliación continua e final dará dereito a unha certificación da USC con selo de órgano e código seguro de verificación (CSV) que acredita:

- a denominación do curso
- a duración, en número de horas
- o nivel segundo o Marco Europeo Común de Referencia para as Linguas
- a identidade da ou do estudante (nome completo e documento de identificación)
- a cualificación cualitativa (*Aprobado, Notable, Sobresaliente, Matrícula de Honra*) e numérica obtida

Os/as estudantes que non asistan ao 80% das sesións de clase ou que non superen a avaliación non terán dereito a ningún tipo de certificación.

As certificacións poderanse descargar a través da Secretaría Virtual (SV) da USC.

Páxina 1

Estas actividades poderán ser recoñecidas con créditos ECTS (en xeral, 1 ECTS por cada 25h, ata un máximo de 12), en canto aos niveis, recoñeceranse os seguintes créditos: B1: 3, B2: 4, C1: 5 e C2: 6, segundo a [Resolución reitoral do 5 de febreiro de 2025, pola que se desenvolve o Regulamento en materia de recoñecemento de actividades susceptibles de recoñecemento e a súa equivalencia en créditos](#)

3 Test de nivel

As persoas sen coñecementos previos de español poden matricularse directamente nun curso de nivel A1, sen realizar un test de nivel previo.

As persoas interesadas en cursar niveis superiores terán que realizar un test de nivel gratuíto e previo á matrícula. O alumnado cun ou máis cursos de ELE aprobados no CLM da USC non precisa facer o test de nivel.

A inscrición no test de nivel farase por Internet dende a páxina web do CLM <<http://www.usc.gal/clm>>, que dará acceso á Secretaría Virtual ⇒ Actividades, cursos e probas ⇒ Test de nivel. Cómpre seguir as instrucións.

O test de nivel realizarase en liña no período asignado para cada curso. As persoas inscritas no test de nivel recibirán o mesmo día laboral ou o día laboral seguinte á súa inscrición no seu correo electrónico a ligazón para a súa realización.

Os resultados dos test de nivel publicaranse na secretaría virtual do alumnado.

O nivel acadado no test non acredita o nivel correspondente segundo o MECRL, senón que indica o nivel no que debe matricularse.

Cando se teña o resultado do test de nivel asignado e o período de matrícula estea aberto, poderá elixir o horario dispoñible e matricularse no curso elixido.

4 Matrícula

Unha vez realizado o test de nivel (agás no caso de persoas interesadas no nivel inicial A1 ou o alumnado cun nivel MECRL de español xa aprobado no CLM), poderá matricularse no nivel indicado polo test.

O alumnado Apto nun curso anterior de español no CLM, poderá matricularse directamente no nivel inmediatamente superior sen facer o test de nivel.

Recoméndase que o alumnado se matricule no CLM despois de formalizar a matrícula nos estudos regrados na USC, xa que iso permite aplicar a tarifa reducida da USC e simplificar o proceso de introdución de datos persoais na aplicación.

A matrícula farase por Internet dende a páxina web do CLM <<http://www.usc.es/clm>>.

A matrícula ten asociadas as seguintes [tarifas oficiais](#):

Tipo de curso	Tarifa para estudantes da USC	Tarifa para a comunidade universitaria da USC	Tarifa para persoas alleas á USC	
Cursos semestrais	25,00 €	50,00 €	225,00 €	
Cursos intensivos	25,00 €	50,00 €	225,00 €	

Se non atopa o acceso na súa SV durante o período aberto da matrícula, debe contactar con clm@usc.gal

No caso de ter problemas coa matrícula en liña deben remitir unha incidencia ao enderezo cau@usc.gal e seguir as indicacións recibidas.

Dada a natureza de servizo universitario e a súa consideración de estudos propios e específicos diferentes aos de validez en todo o territorio nacional, non será de aplicación o réxime de exencións ou subvencións á matrícula que rexe para os estudos universitarios ordinarios.

Cancelaranse os cursos que non acaden o mínimo de 8 persoas matriculadas a non ser en casos excepcionais que a dirección do CLM estime pertinentes. No caso de cancelación do curso, o alumnado ten dereito á devolución da matrícula ou a cambio de curso.

No caso dos cursos semestrais haberá un prazo de dez días naturais dende a data de inicio do curso para solicitar a anulación e devolución da matrícula. No caso dos cursos intensivos o prazo será de cinco días.

A renuncia á matrícula por causas alleas á Universidade non dará dereito á devolución do seu importe.

Se unha alumna ou alumno matriculado e con praza nun grupo determinado faltase a máis dun 50% de horas do curso, de modo inxustificadamente, durante o primeiro mes (ou a quinta parte inicial) do mesmo, poderá quedar sen praza nese grupo, pero terá dereito a solicitar o reingreso en calquera grupo do mesmo nivel que se inicie con posterioridade dentro do mesmo curso académico, de existiren prazas libres.

5 Seguro

Agás as persoas que realizan os seus estudos no CLM da USC única e exclusivamente en liña e en ningún momento permanezan nas instalacións da USC, todas as persoas, nacionais ou estranxeiras, que non están cubertas polo seguro escolar obrigatorio do INSS, por non ter formalizada matrícula en estudos oficiais na USC no curso académico correspondente ou ben, sendo alumnos/as da USC neste curso son de nacionalidade estranxeira ou nacionais maiores de 28 anos e non teñan contratado este seguro nos estudos nos que formalizaron matrícula, deben subscribir o seguro de accidentes e asistencia en viaxe establecido como obrigatorio polo Acordo do Consello de Goberno do 26 de xuño de 2009. Máis información en: <http://www.usc.es/gl/servizos/sxe/segueros.html>.

6 Información e contacto

CENTRO DE LINGUAS MODERNAS (CLM)
Avda. das Ciencias 7, 1º
Campus Vida – Santiago de Compostela

CENTRO DE LINGUAS MODERNAS (CLM)
Aulario da facultade de Humanidades
Sala de profesorado do CLM (Lugo)

Tel.: (+34) 8818 14443

Correo electrónico: clm@usc.gal

Impugnación

Contra a presente resolución, que esgota a vía administrativa, poderase interpoñer recurso contencioso-administrativo perante o xulgado do contencioso-administrativo de Santiago de Compostela ou Lugo, no prazo de dous meses a contar desde o día seguinte á súa publicación, de conformidade cos artigos 46 e 8.2.a) da Lei da xurisdición contencioso-administrativa, aprobada pola Lei 29/1998, do 13 de xullo.

Non obstante, as persoas interesadas poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non haxa resolución expresa ou presunta do recurso administrativo de reposición, ao abeiro dos artigos 123 e 124 da Lei 39/2015, do 1 de outubro de procedemento administrativo común das administracións públicas.

Santiago de Compostela, data da sinatura dixital

O REITOR

Por delegación de competencias, R.R. do 21 abril 2022 (DOG do 26 abril 2022)

O Xerente

Javier Ferreira Fernández

ANEXO

Cursos	Niveis impartidos	Número de grupos	Número de prazas	Inscripción e realización do Test de nivel	Prazo de matrícula	Calendario das clases
Cursos do 1º semestre 2025-2026 Campus Santiago, Campus Lugo	A1, A2, B1, B2, C1	11	165	28/08 – 14/09/2025	28/08 – 15/09/2025	15/09 – 15/12/2025 no Campus Lugo 16/09- 16/12/2025
Cursos intensivos de setembro-outubro 2025 Campus Santiago	A2, B1, B2	3	45	28/08 – 08/09/2025	28/08 – 08/09/2025	08/09 – 21/10/2025
Cursos intensivos de novembro-décembro 2025 Campus Santiago	A1, A2, B1, B2	5	75	20/10 – 02/11/2025	06/10 – 3/11/2025	03/11 – 17/12/2025
Cursos do 2º semestre 2025-2026 Campus Santiago, Campus Lugo	A1, A2, B1, B2, C1, C2	11	165	12/01 – 02/02/2026	08/01 – 05/02/2026	05/02 – 21/05/2026
Cursos intensivos de febreiro - marzo 2026 Campus Santiago	A1, A2, B1, B2	4	60	12/01 – 02/02/2026	08/01 – 02/02/2026	02/02 – 23/03/2026
Cursos intensivos de abril - maio 2026 Campus Santiago	A1, A2, B1, B2	5	75	20/03 – 12/04/2026	09/03 – 13/04/2026	13/04 – 27/05/2026

As actividades recollidas neste Anexo poderán sufrir cambios por motivos da organización.

Sinatura dixital / Firma digital / Digital signature

Asinante/Firmante/Signer: ANTONIO JAVIER FERREIRA FERNANDEZ, XERENTE, UNIVERSIDAD DE SANTIAGO DE COMPOSTELA, 02/07/2025 17:50:57.

CSV: 6139-421D-4274-BF35